

RAPORT PER VEPRIMTARINE E

AGJENCISE PUBLIKE TE AKREDITIMIT TE ARSIMIT TE LARTE

PER PERIUDHEN 7-MUJORE **JANAR-KORRIK 2008**

Veprimtaria e Agjencisë Publike të Akreditimit të Arsimit të Lartë (APAAL), gjatë 7-mujorit janar-korrik 2008, është mbështetur në Planin e Veprimtarisë së saj për vitin 2008 dhe në përmbushje të veprimtarive e kërkesave për vlerësime të paparashikuara në planin e saj, kërkuar nga MASH. Kjo veprimtari është zhvilluar në drejtimet e mëposhtme:


1. Vlerësime të para dhe periodike

Gjatë këtij 7-mujori APAAL ka kryer vlerësimin dokumentar dhe teknik të 194 aplikimeve për Programe të Reja Studimi nga IAL Publike dhe Private dhe kërkesa për vlerësime në kuadrin e akreditimit të parë nga 2 IAL Private. Në Tabelën 1 dhe figurën 1 jepet shpërndarja e kryerjes së vlerësimeve të mësipërme sipas llojeve, institucioneve dhe muajve.

Tabela 1: Numri i përgjithshëm i vlerësimeve të kryera nga APAAL gjatë periudhës janar-korrik 2008

MUAJI	Numri total i dosjeve të mbërritura në APAAL	Vlerësime të PRS të reja në IAL publike	Vlerësime të PRS të reja në IAL private	Vlerësime (akreditime) të para private
Janar 2008	0	0	0	
Shkurt 2008	53	0	53	
Mars 2008	45	26	19	
Prill 2008	17	17	0	
Maj 2008	34	34	0	
Qershor 2008	22	20	0	2
Korrik 2008	21	18	3	2
Total	194	115	75	4


Figura 1. Numri total i programeve të reja të studimit të vlerësuara nga Agjencia Publike e Akreditimit të arsimit të Lartë (APAAL) për periudhën Janar – Korrik 2008.



a. Vlerësime të Programeve të Reja të Studimit në Institucionet Publike të Arsimit të Lartë

Institucionet e Arsimit të Lartë Publik kanë aplikuar 115 Programe të Reja studimi në Ciklit të Parë dhe Ciklit të Dytë të Studimeve të cilat janë vlerësuar gjatë periudhës janar-korrik 2008 nga APAAL. Në figurën 2, paraqitet numri dhe shpërndarja e këtyre vlerësimeve gjatë muajve.


Figura 2. Numri i programeve të reja të studimit të IAL publike të vlerësuara nga Agjencia Publike e Akreditimit të Arsimit të Lartë (APAAL) për periudhën Janar – Korrik 2008.



- b. Vlerësime të Programeve të reja të studimit në IAL Private të reja (para licensimit) dhe në IAL Private ekzistuese

Institucionet e Arsimit të Lartë Privat kanë aplikuar 75 Programe të Reja studimi kryesisht të Ciklit të Parë të Studimeve të cilat janë vlerësuar gjatë periudhës janar-korrik 2008 nga APAAL. Në figurën 3, paraqitet numri dhe shpërndarja e këtyre vlerësimeve gjatë muajve.

Figura 3. Numri i programeve të reja të studimit të IAL private të vlerësuara nga Agjencia Publike e Akreditimit të Arsimit të Lartë (APAAL) për periudhën Janar – Korrik 2008.



- c. Vlerësime të para (akreditimi I parë) për Institucione Private të Arsimit të Lartë, përpara lëshimit të diplomave të para, pas licensimit

Gjatë periudhës Prill-Korrik 2008, APAAL ka kryer vlerësimin e plotë institucional dhe të tre programeve të studimit në kuadrin e kërkesës së IAL përkatëse për akreditimin e parë të tyre pas licensimit. Këto vlerësime u përkasin dy Institucioneve Private të Arsimit të Lartë: Shkolla e Lartë Universitare “UFO” dhe Shkolla e Lartë Universitare “Kristal”. Këto vlerësime ndodhen në fazën e shqyrtimit përfundimtar nga Këshilli i Akreditimit.

d. Shqyrtime të kërkesave për vlerësime të reja për programe të IAL publike dhe Private

Gjatë muajit Korrik 2008, në APAAL ka ardhur një numër i madh kërkesash për Vlerësime Programesh të Reja: gjithsej janë 120 programe të Ciklit të Parë, të Dytë dhe të Tretë, të aplikuara nga Universitetet e Tiranës, Politeknik dhe Bujqësor. Në shqyrtim janë dhe dy aplikime për hapje filialesh të reja të Universitetit të Tiranës në Sarandë dhe Kukës dhe të Universitetit Bujqësor të Tiranës në Lushnjë.

2. Hartimi i akteve të tjera nënligjore për Sistemin dhe Procesin e Sigurimit të Cilësisë në Arsimin e Lartë

- Projekt-Vendimi i Këshillit të Ministrave për “Institucionet dhe Sistemin e Sigurimit të Cilësisë në Arsimin e Lartë”, detyrim që del nga Ligji Nr. 9741, datë 21.5.2007 “Për Arsimin e Lartë në Republikën e Shqipërisë”, i ndryshuar; dërguar në MASH më 15.7.2008.
- Projekt-Vendimi i Këshillit të Ministrave “Për pagesat e bashkëpunëtorëve të jashtëm vendas dhe të huaj që aktivizohen në veprimtaritë që lidhen me vlerësimin dhe akreditimin në arsimin e lartë”; dërguar në MASH më 16.7.2008.
- Projekt-Vendimi i Këshillit të Ministrave “Për përcaktimin e tarifave të vlerësimit dhe akreditimit në Arsimin e Lartë”; dërguar në MASH më 16.7.2008.
- Projekt-Urdhër i Kryeministrit “Për miratimin e strukturës dhe të organikës së Agjencisë Publike të Akreditimit të Arsimit të Lartë”; dalë si Urdhër Nr. 65, datë 23.5.2008 i Kryeministrit “Për Miratimin e Strukturës dhe të Organikës së Agjencisë së Akreditimit të Arsimit të Lartë”
- Procedurat dhe kriteret për vlerësimin e një kursi të ri studimi të Ciklit të Parë të Studimeve, Diplomë e Nivelit të Parë (DNP) në Arsimin e Lartë; miratuar nga Këshilli i Akreditimit në 14 prill 2008.
- Procedurat dhe kriteret për vlerësimin e një kursi të ri studimi të Ciklit të Dytë të Studimeve, Diplomë e Nivelit të Dytë (DND) në Arsimin e Lartë; miratuar nga Këshilli i Akreditimit më 3 maj 2008.
- Procedurat dhe kriteret për vlerësimin e një kursi të ri studimi të Ciklit të Dytë të Studimeve, Master i Nivelit të Parë (MNP) në Arsimin e Lartë; miratuar nga Këshilli i Akreditimit më 3 maj 2008.

- Procedurat dhe kriteret për vlerësimin e një kursi të ri studimi të Ciklit të Tretë të Studimeve, Master i Nivelit të Dytë (MND) në Arsimin e Lartë; paraqitet për miratim në mbledhjen e Këshillit të Akreditimit më 26.8.2008.
- Procedurat, kriteret dhe termat e referencës për rekrutimin e ekspertëve të huaj që angazhohen në procesin e vlerësimit të jashtëm
- Platforma dhe Termat e Referencës për Vlerësimin e Jashtëm të Institucioneve të Arsimit të Lartë dhe të Sistemit të Sigurimit të Cilësisë në Arsimin e Lartë nga një Kompani (Agjenci) e huaj: “Terms of Reference for the External Evaluation of Higher Education Institutions and External Evaluation of Quality Assurance Institutions for Higher Education”; dërguar Ministrit të Arsimit dhe Shkencës, Genc Pollo më 23.7.2008.

3. Bashkëpunimi me Institucionet e Arsimit të Lartë për përgatitjen e akteve nënligjore dhe për ngritjen e Sistemeve të Brendshme të Sigurimit të Cilësisë

- APAAL ka përgatitur një Draft-Udhëzim për ngritjen dhe funksionimin e Sistemeve të Brendshme të Cilësisë në Institucionet e Arsimit të Lartë
- APAAL ka organizuar disa takime me IAL publike dhe private për diskutimin e këtij udhëzimi përpara miratimit dhe zbatimit të tij në praktikë. Procesi I diskutimit dhe konsultimit do të mbyllet në muajt tetor-nëntor me të gjitha IAL publike dhe private në vend.

4. Zhvillimi i veprimtarive njohëse për Sistemin e Akreditimit në rrethet akademike dhe joakademike

- APAAL ka ristrukturuar ëeb site e saj. Tashmë në faqen zyrtare të Agjencisë (www.aaal.edu.al) si IAL ashtu dhe publiku i gjerë gjen informacion të përditësuar mbi statusin e Institucioneve të Arsimit të Lartë në vend, mbi gjendjen e vlerësimit dhe akreditimit të institucioneve publike dhe private të arsimit të lartë dhe programet e studimit që ofrojnë, mbi aktivitetin në vend dhe jashtë vendit të institucioneve të sigurimit të cilësisë, të dhëna të detajuara për IAL dhe raportet vjetore të Agjencisë dhe Këshillit të Akreditimit. I gjithë

informacioni është pasuruar, ristrukturuar dhe përshtatur sipas kërkesave të legjislacionit të ri për Arsimin e Lartë dhe në përputhje me standardet europiane për transparencën dhe informimin e publikut për cilësinë e AL.

- Është dërguar për botim Raporti i Veprimtarisë Vjetore të APAAL dhe Këshillit të Akreditimit për vitin 2007 i Agjencisë, i cili ndodhet edhe në faqen zyrtare të APAAL.
- APAAL ka bërë disa takime me disa IAL për ti udhëzuar mbi kriteret dhe procedurat e vlerësimit për programet e reja të studimit të nivelit të parë dhe të dytë, në përputhje me kërkesat e standardet e Ligjit të Arsimit të Lartë dhe udhëzimeve të MASH për këto programe që kanë dalë gjatë vitit 2008. Ky proces do vazhdojë gjatë muajve të fundit të vitit me aktivitete për diplomat e fushës së Mësuesisë, për të cilat ka dalë një udhëzim I MASH në 29 korrik 2008.

5. Marrëdhëniet me organizata dhe rrjete homologe europiane e ndërkombëtare

- APAAL ka filluar procesin e vetëvlerësimit të punës së saj sipas kërkesave e standardeve Europiane për Sigurimin e Cilësisë në Arsimin e Lartë, ky proces do të vijojë në përputhje me kërkesat e procedurat e Regjistrimit Europian të Agjencive të Cilësisë (EQAR), si detyrim që rrjedh nga procesi i Bolonjës dhe Ligji i ri i Arsimit të Lartë. Prosesi i aplikimit nuk ka filluar pasi, ende nuk janë bërë publike nga EQAR udhëzuesit se si aplikohet për përfshirjen në këtë regjistër; këto pritet të dalin në shtator 2008. APAAL do kërkojë në fund të këtij procesi, vlerësimin e saj të jashtëm nga ekspertë të huaj të organizatës europiane të Sigurimit të Cilësisë ENQA dhe të Regjistrimit EQAR.
- Në 23-25 Maj 2008 APAAL organizoi për herë të parë në Shqipëri Asamblenë e Përgjithshme të Rrjetit të Agjencive të Sigurimit të Cilësisë të Europës Qëndrore dhe Lindore (CEE-Network). Në të morën pjesë personalitete të larta të fushës së Sigurimit të Cilësisë në Politikën e Bashkimit Europian si Peter Ëilliams, President i organizatës ndërkombëtare ENQA, Christina Rozsnyai, Sekretare e Përgjithshme e Rrjetit Rajonal CEE Network, Aspasia Hadzisce, Drejtore e Agjencisë për

Iniciativë në Reformën Arsimore të Europës Juglindore, Drejtuesit e Agjencive të SC të 25 vëndeve të Europës dhe pjesëmarrës të tjerë.

Ky aktivitet konsistoi në:

1. Bashkëpunimin e Agjencive anëtare të CEEN për njohjen e përbashkët të vendimeve të akreditimit.
2. Iniciativën për Reformë në Arsim në vendet e Europës Jug-Lindore në drejtim të bashkëpunimit në Rajon dhe të Sigurimit të Cilësisë në Arsimin e Lartë, mbajtja dhe forcimi i kontakteve të përhershme dhe shkëmbimi i informacionit në këtë rajon për bashkëpunimin dhe njohjen e procedurave/rezultateve të vlerësimit të cilësisë në fushën e Arsimin të Lartë..
3. Zgjedhjet për Asamblenë e Përgjithshme të CEEN, anëtarësime të reja në këtë rrjet, miratimin e statutit të CEEN etj.

Në këtë takim, Drejtorja e APAAL Dhurata Bozo u zgjodh dhe u ngarkua të përfaqësojë Rrjetin e Europës Qendrore dhe Lindore (CEE Network) në Rrjetin Ndërkombëtarë të Agjencive të Sigurimit të Cilësisë, INQAAHE; duke qenë që prej vitit 2007 antare e Bordit të këtij rrjeti ndërkombëtar, si përfaqësuese e agjencive të të gjithë rajonit

6. Mbështetja logjistike, infrastrukurore dhe dokumentare për Këshillin e Akreditimit

APAAL, ka mbështetur dhe përgatitur mbledhjet e zakonshme dhe të jashtëzakonshme të Këshillit të Akreditimit dhe ka mbuluar të gjithë komunikimin e tij me MASH për rreth 14 vendime.

DREJTORE

DHURATA BOZO